

Johann Quistorp

**Programma, Rectoris Academici, D. Johannis Quistorpii, Theolog. Prof. P. in
Obitum ... Matronae B. Dorotheae Stephani, Uxoris ... Viri Dn. D. Johannis
Wegeneri, Icti Clarissimi**

Rostochii: Kilius, 1663

<http://purl.uni-rostock.de/rosdok/ppn774673575>


Druck Freier  Zugang




Quistorp, J.

in D. Stephan, *usor.*

J. Wegener · Rostock 1663.





PROGRAMMA,
Reſtoris Academici,
D. JOHANNIS QVISTOR-
PII, ΘΕΟΛΟΓ. Prof. P.

in

Obitum,

Honestiſſimæ & Ornatiſſimæ

MATRONÆ

B. DOROTHEÆ
STEPHANI,

Uxoris deſideratiſſimæ,

Ampliſſimi & Conſultiſſimi

VIRI

DN. D. JOHANNIS WE-
GENERI, Jcti Clariffimi.



✻ (o) ✻

ROSTOCHII,

Typis JOHANNIS KILII Acad. Typogr. Ao. 1663.

AUGUSTINUS

Serm. X. ad frat. in Eremo.

O spes præmij, tu omnia portare facis
dulciter & suaviter: per te fideles,
ad mortem gaudentes
pergunt.



Rector Academicus

D. JOHANNES QVISTORPIUS,
Past. & Prof. P.



Ultra cum sint orna-
enta mulieris Christianæ,
præter pietatem erga De-
um & dilectionem proxi-
mi: rum haud scio, an non
reliquorum præcipua sint,
Amor mariti, amor libero-
rum, & sedula rei familia-
ris cura. Etenim quæ vi-
rum, in cuius manum, relictis parentibus, semel
convenit, amat, in eo sibi omnia sita esse arbitra-
bitur, & haud facile vel omittet, vel committet,
quod oculos ipsius & animum offendere possit:
faciet autem, & animo quidem lubentissimo, quæ
marito sciet fore quam gratissima. Ejus generis,
Andromacham fecit Homerus Iliad 6. cum ad
)o(mari-

maritum loquitur, Tu mihi es pater & veneranda mater, & frater, tu & mihi florens maritus. Hunc amorem comitatur concordia, vinculum, conjugij adamantinum, & ornamentum preciosum. In tali conjugio fiunt omnia communia. Quod Romani suis legibus declararunt: quibus vetabatur *inter Conjuges dari aliquid, aut accipi*, ne quid distinctum & proprium esse alterutrius videretur. E contra, discordia alienat virum ab uxore: quam Salomon *tecto in hyeme perstillanti* assimilatur, quia hæc mala res Virum domo expellit. Idem *Satius* ait, esse, *habitare in deserto à terrâ, quàm cum uxore litigiosâ & iracundâ*. Porro ex mariti amore, nascitur amor eorum, quos tanquam amoris mutui pignus honesta & casta mulier accepit, eumq; declaret sedulâ curâ in educandis & informandis quos peperit. Cùm enim officia mariti non rarò ea sint, ut huic rei vacare, ita ut merebatur, non possit, nullâ re magis amorem suum, quo erga maritum ardet, honesta & pia matrona declarabit, quàm eo, quem ipsis liberis præstat: & ut in marito omnem thesaurum sibi reconditum habet, ita hos, ex isto natos, alterum thesaurum, nec minori amore complectetur, nec leviori curâ servare studebit. Opulenta quædam Campana cum Romam venisset, exceptaq; esset hospitio à Corneliâ matre Gracchorum, illa huic omnem

omnem mundum muliebrem explicuit, sanè
gemmis, auro, vestibus divitem; quem ubi fa-
tis laudavit Cornelia, rogavit Campana, ut illa vi-
cissim ostenderet sibi, quid in ejus cimelijs preti-
osum haberet: Commodum aderant pueri Grac-
chi ex Ludo literario reversi, quos illa digito com-
monstrans, inquit, hi mea cimelia, hi thesauri.
Nec aliud Lacæna Jonicæ cuidam de texturâ glo-
rianti, quatuor sibi filios esse, inquit, omni textu-
râ ac telâ cariores. Et sanè Cornelia hunc suum
amorem satis declaravit in eo labore, quem pu-
eris erudiendis ipsa simul cum aliis magistris sum-
sit: idq; exemplum aliæ secutæ sunt. Reide-
niq; cura familiaris, ita honestæ & sedulæ matri fa-
miliæ propria est, ut nefas penè fit, eam domi
quidem, cum viro communicare, viro enim con-
venit foris quærere, quod illa domi servet. Ex
hoc genere, fuit ea, cui hæc scribimus, Amplissi-
mi & Consultissimi Viri Dn. D. JOHANNIS WE-
GENERI Jcti, & Illustrissimi Consistorii Consi-
liarii fisci laudatissimi, Uxor DOROTHEA STE-
PHANA; quæ & maritum & liberos & rem fa-
miliarem ad hunc propè modum amavit: Nec
sanè aliter decuit eam, quæ ex ejus generis Pa-
rentibus & majoribus ortum duxit. Nata siqui-
dem est ex iis Parentibus, qui istarum virtutum,
)o(simul

simul præcepta suppeditabant & exempla. Patre
quidem B. MATTHIA STEPHANI, Jcto,
Consiliario Ducum Pomeraniæ, & Antecessore
Acad. GryphisW. incomparabili. Matre Piâ
DOROTHEA Seidelis. Avo gavisa est Pater-
no B. HYPPOLITO STEPHANI. Materno a.
B. JACOBO SEIDELIO, Med. Doctore, Prof.
GryphisW. ac Pomeraniæ Ducis Archiatro cla-
rissimo. Ex his Parentibus nata, Anno 1622.
d. 10. Nov. non aliter educata est, quam Virgini
ex Amplissima familia orta conveniebat, in
pietatis, castitatis & prudentiæ Oeconomicæ
studio: jisq; virtutibus conciliavit sibi virum,
cujus neq; tantam familiam, neq; tam eximiam
Virginem pœniteret, Dn. D. JOH. WEGE-
NERUM, Juris assertorem egregium. Huic
marito, legitimis nuptiis, Anno 1641. d. 3. Nov.
conjuncta (quo ipso tempore, Ego Gryphis-
Waldiæ studiorum gratiâ vivebam,) ita vixit, ut
Viri amorem florente sobole, amorem sobolis
felici educatione Deo benedicente, restaretur.
Concessit aurem huic conjugio Deus Sobolem
Novenum liberorum. Ex quâ licet communis
mortalitas Duos decerpserit, tamen Septem re-
liqui, JOHANNES, GEXDENBÜR, MA-
THIAS, HEINRICH, PETRUS DOROTHEA
& JOACHIM, defunctorum vicem abundè sup-
plent.

plent. Verùm ut omnia caduca sunt, perenne
sub polo nihil: Ita & huic felicitati sua periodus
decreta, suus terminus constitutus est. Cùm
enim hæc B. Matrona, Viri Amplissimi honoribus,
liberorum flore gauderet, cursum istius felicitatis
turbavit, elapso die ^h, Morbus insperatus,
quem Exercitissimi Medici nostri, Dn. D. BACH-
MEISTER, & Dn. D. MARCHE, Prof. publici,
protelare haud potuerunt. Eorumq; de subita-
neâ hac infirmitate, sententia sic sonat. De Mor-
bô, cujus vehementiâ succubuit Matrona hæc piis-
sima, hoc solùm commemorare datur: fuisse eum
Colicum & convulsivum intestinorum dolorem,
cum subversione ventriculi, indeq; dependenti-
bus vomitionibus frequentissimis, quorum sym-
ptomatum violentiâ adeò mox prostratæ fue-
runt vires, spiritusq; vitales dissipati, ut per aliquot
etiam ante obitum horas, arteriarum pulsus vix
amplius animadverti potuerit, sicq; animô con-
stans, brevi post placidè ac piè Matrona hæc ex-
spiraverit. Illa ipsa in gravescente morbo, animæ
suz optimè consuluit, & abs pl. Reverendo Dn. D.
HENR. MÜLLERO, Th. Prof. & Pastore vigilantissi-
mo, impetratâ peccatorum condonatione, cor-
pore & sanguine Crucifixi refecta est. Ac demùm
Redemptori suo, reposcenti animam, reddidit; at-
que ira beatè obdormivit d. IX. Martii, mediâ no-
cte;

ete, Annū cum ageret XLII. Nullū dubium
est, quin anima Dei manibus commendata, suā
beatitudine utatur, fruatur: Maritus verò ex hac
dixotopia dolorem gravissimum sentiat, qualis
hoc genus discidii comitari solet. Quem licet su-
perstitēs liberi suā pietate magnam partem leni-
ant, tamen non nihil nobis quoque relictum est.
Non solū igitur, quod possumus, Deum roga-
bim⁹, ut Spiritum sanctum efficacissimæ consola-
tionis ei impertiat, & animum gravissimā ægri-
tudine afflictum erigat: sed etiam exequias no-
strā frequentiam celebrabimus, ita, ut intelligat,
merita sua & favorem nostro ordini semper pa-
ratum & promptum, eo à nobis loco acceptum &
positum esse, quo qui summus est, accipi & collo-
cari debet. Quare hortamur & invitamus omnes
nostræ jurisdictioni subjectos, ut hoc officium
non tam nobis, licet nobis quoq; præstitum pu-
tabimus, quàm ipsi Dn. Doctori præstare velint,
& in templo Mariano ad hor. primam, frequenter
convenire; ubi non solū nostras fortunas & Ec-
clesiam Deo commendemus, sed etiam nostram
mortalitatem recordemur, & ad migrandum,
cū Deus jusserit, nos accinctos esse
declaremus.

P.P. Rostochij die 13. Martij

Anno 1663.





plent. Verum ut omnia caduca fu
sub polo nihil: Ita & huic felicitati f
decreta, suus terminus constitutus
enim hæc B. Matrona, Viri Ampliff
bus, liberorum flore gauderet, cursu
citatis turbavit, elapso die b, Morbus
quem Exercitissimi Medici nostri, D
MEISTER, & Dn. D. MARCHE, P
protelare haud potuerunt. Eorum
neâ hac infirmitate, sententia sic son
bô, cujus vehementiæ succubuit Matr
fima, hoc solum commemorare datu
Colicum & convulsivum intestinoru
cum subversione ventriculi, indeq;
bus vomitionibus frequentissimis, q
ptomatum violentiâ adeo mox pr
runt vires, spiritusq; vitales dissipati, u
etiam ante obitum horas, arteriaru
amplius animadverti potuerit, sicq;
stans, brevi post placidè ac pie Mat
spiraverit. Illa ipsa in gravescente m
suz optimè consuluit, & abs pl. Rev
HENR. MULLERO, Th. Prof. & Pastor
mo, impetratâ peccatorum condo
pore & sanguine Crucifixi refecta e
Redemptori suo, reposcenti animam
que ira beatè obdormivit d. IX. Mar

